



أغنية



سما غازي

من منبت الشعر استقامت ثم تنامت
لبن حد الظل ..
بانت اشتهاه!
لا هي «هي» ولا هي آخر!
وكل آخر: آخر الأحباب و الأبواب من روح إعتقتها
قبل هذا الوقت يبصر
قبل يتكوّن مداها من «عداها» صبح سافر!
وأبعد أبعد من زمان الطيش
و أسراب الغناء ،
يا بلادي الطيبة و الخوف منفي:
أظهريني من منافي البلدة
أشربيني شعر
ولا أسكبيني غاوية ملّت تفاصيل المبادي في بلادي
والبيوت !!
آخ لو تدرين وش ذل السكوت!
ردي العهد القديم ،
الوقت من «صمتي» يهيم .. أرجوك
كان هذا الصمت أثنى ما تركه المتقين .. و لا تُقى في ذاكرة تخنق أغاني الصادقين
الثايرين بمبدأ الإملاء!
علميني يا بلادي ..
أو بلاش تعلميني
السلام لمن «يشقق» بالغنا ف الريح يمه
يا .. بذمه .. يا ..
تعالى «سولقيني» يا سماء ..!

ان عودت للصحيح..!

تجفل ليا حرك اطراف الزماليق ريح
وتفرح ليا طاح فوق سهول دريك ولي
تلد فيك العيون الطامعة يامليح
والرامي اللي يجيك ومزهبه ممثلي
سمعت فيك المديح وقلت فيك المديح
وخليت ضو القصيد بدفتري تصعلي
اللين فيك يتساوى بالحرير المريح
من خصرك المنزوي لي عودك المثلي
عينك مثل حد سيف من تصيبه يطيح
لوهو من اهل البخوت وبين ربعه شلي
لك في ضلوعي خيال له سنه مستريح
يرعى عروقي وهو ماله بعيني حلي
تسوا غلاي الصدوق ان عودت للصحيح
وتزهى على عنقك الفارع ثمين الحلي
عطني من احساسك الدافي كلام صريح
وانا اشتري لك من اسواق الغلا ماغلي
ماودك انه يشوفك غير وجه فليح
ولا ودي انك تسوق ظنونك الا علي

فهيد زيد

اكحل عيونك بدمعك لبن كجلك يسبح
وامسح دموعك باصابع كفك المخملي
يمكن دموعك على شاني تفيح وتفيح
وازعل عايشان عينك ياعيون اهلي
جيتك بوجه البياض وباللسان الفصيح
واللي خلاف الستاير شي ماهوب الي
سمعت من يطلعن غياي بهرج قبيح
وخليت عقلي يجاوب عن جواب جهلي
حرنفض ريش حلمه لوجناجه جريج
يشوف ليل السهر عن ناظره منجلي
لو دوروا لي وانا ارقا للمعالي مطيح
انا على الأرض مخد نازل منزلي
يا العفري اللي جسّدك من المرامي صحيح
ياليت جوّك من اللي يشتهونك خلي
وراك برق وريبع القاع دونك فسيح
وريج الندى يجذبك للمرتع المعتلي
تنبت مرابيك قيصوم ومفاليك شيح
مالك ولي غير مرباعك وربك ولي